



A colocación de paradas de autobuses nas rotondas de Sabarís ingresan un novo ingrediente ás xa polémicas obras de humanización na vila. Ante o desvío do percorrido dos autobuses da Rúa Julián Valverde cara a Avenida Foz do Miñor, o Concello de Baiona dispuxo dúas na contorna da praza Santos Peralba e outras tantas na rotonda de acceso á Praia Ladeira. Ambos os dous enclaves atopados en lugares de moito tráfico vehicular e peonil onde o estacionamento de autobuses pode xerar graves inconvenientes nas horas de maior circulación.

Para a concelleira Isabel Domínguez Quintas (PSOE), trátase dunha medida que incumpre as normativas de tráfico e "atacan o sentido común". A edil opositora ao goberno do popular Jesús Vázquez Almuíña, sostivo que colocar paradas de autobús nas glorietas "é unha barbaridade e un perigo" que pode levar de non modificarse, a ter que "lamentar desgrazas", pois bastantes accidentes "hai xa nas glorietas".

En cada unha das rotondas, o goberno municipal colocou paradas en ambos sentidos da circulación Baiona - Vigo. No caso específico da praza Santos Peralba, que dá acceso a vila de Sabarís dende Baiona, a parada cara a Vigo atópase practicamente enriba do portal da única finca con saída á mesma.

Polémica recolocación das paradas de autobús de Sabarís nas rotondas Santos Peralba e Praia Ladeira.

Escrito por Redaccion @valminorinfo
Mércores, 20 Xuño 2012 22:55

Isabel Domínguez cuestionou a decisión do equipo de goberno municipal: "Alcalde e seis concelleiros de goberno cobrando moi bos salarios. Persoal de confianza e asesores pagados polos cidadáns para que axuden a realizar as tarefas de goberno, e entre todos non son capaces de discorrer os suficiente como para ver que unha parada de autobús non pode estar nunha glorieta", afirmou.



Polémica recolocación das paradas de autobús de Sabarís nas rotondas Santos Peralba e Praia Ladeira.

Escrito por Redaccion @valminorinfo
Mércores, 20 Xuño 2012 22:55

